
TEJ NQI KEV NTSEEG

los ntawm Yexus Khetos lub Koom Txoos ntawm Tsoom
Haiv Neeg Ntseeg hauv Hnub Nyoog Kawg

- 1 Peb ntseeg txog Vajtswv, Leej Txiv tus uas Nyob Mus Ib Txhis, thiab txog Nws tus Tub, Yexus Khetos, thiab txog tus Vaj Ntsuj Plig Dawb Huv.
- 2 Peb ntseeg tias neeg yuav raug txim rau lawv tej kev txhuam, thiab tsis yog vim Adas txojkev txhaum.
- 3 Peb ntseeg tias los ntawm Khetos txojkev Theej Txhoj, tib neeg txhua tus dim tau, los ntawm kev ua raws li Txojmoo Zoo tej kevcai thiab tej kab ke.
- 4 Peb ntseeg tias Txojmoo Zoo thawj cov ntsiab cai thiab kab ke yog: qhov ib, kev Ntseeg tus Tswv Yexus Khetos; qhov ob, kev Hloov Siab Lees Txim; qhov peb, Kevcai Raus Dej rau kev zam txim; qhov plaub, kev Tso Tes muab lub txiaj ntsim ntawm tus Vaj Ntsuj Plig Dawb Huv.
- 5 Peb ntseeg tias ib tug neeg yuav tsum raug hu los ntawm Vajtswv, los ntawm kev tshwm sim, thiab los ntawm kev tso tes los ntawm cov uas muaj cai, kom mus tshaj tawm Txojmoo Zoo thiab ua tej kab ke nyob hauv.
- 6 Peb ntseeg txog tib lub koom haum uas muaj hauv thawj lub Koom Txoos Thaum Ub, uas muaj cov thwjtim, cov yajsaub, cov saib xyuas, cov xibhwb, cov yawg suab, thiab ntau yam ntxiv.
- 7 Peb ntseeg ntawm tej txiaj ntsim kom txawj hais lwm yam lus, kom qhia tej uas yuav muaj los yav tom ntej, kom txais kev tshwm sim, kom ua yog toog, kom txawj kho neeg mob, kom txawj txhais lwm yam lus, thiab ntau yam ntxiv.
- 8 Peb ntseeg phau Vaj Lug Kub Npaiv Npaum yog Vajtswv tej lus npaum li uas tau txhais yog lawm; peb kuj ntseeg tias Phau Ntawv Maumoos yog Vajtswv tej lus.
- 9 Peb ntseeg txhua yam uas Vajtswv tau qhia los lawm, txhua yam nws niaj hnub qhia, thiab peb ntseeg tias Nws tseem yuav qhia ntau yam zoo thiab tseem ceeb los ntsig txog Vajtswv lub Nceeg Vaj.
- 10 Peb ntseeg tias cov neeg Ixayees tseem yuav rov qab sib sau ua ke thiab Kaum Xeem tseem yuav rov qab los; thiab hais tias Xi-oos (lub nroog Yeluxalees Tshiab) yuav raug txhim tsa nyob hauv lub tebchaws Amelikas; thiab hias tias Khetos yuav los kav lub ntiajteb; thiab, hais tias lub ntiajteb yuav pauv dua tshiab thiab txais nws lub yeeb koob uas twb tau muaj lawm thaum ub.
- 11 Peb tuav cai tias peb muaj kev ywj siab hawm Vajtswv, tus uas muaj Hwjchim Loj Kawg Nkaus raws li peb lub siab xav, thiab cia txhua tus neeg muaj txojkev ywj siab ib yam, cia lawv hawm li cas, hawm qhovtwg, lossis hawm dabtsi los tau.
- 12 Peb ntseeg ntawm kev ua raws li cov vajntxwv, cov thawj tswjhwm, cov kav, thiab cov nom tswv, kom yuav mloog, ua raws, thiab txhawb nqa cov kevcai.
- 13 Peb ntseeg ntawm kev ua siab ncaj ncees, siab zoo, siab huv, siab dawb, siab tsim txiaj, thiab ntawm kev ua zoo rau txhua tus neeg; yeej muaj tiag, peb qhia tias peb ua raws li Povlauj cov lus qhia—Peb ntseeg txhua yam, peb cia siab rau txhua yam, peb tau tiv dhau ntau yam, thiab peb cia siab tias yuav tiv dhau txhua yam. Yog muaj dabtsi tsim txiaj, ntxim hlub, lossis yam zoo lossis yam ntxim qhuas, peb nrhiav raws qab tej yam no.

